

Landesbibliothek Oldenburg

Digitalisierung von Drucken

Phaedri Avgusti Liberti Fabvlarvm Aesopiarvm Libri V.

Phaedrus

Rintelii, MDCCXXXVIII

VD18 13044567

Fab. III. Vulpes et Iupiter.

urn:nbn:de:gbv:45:1-17134

FAB. III.

Vulpes et Iupiter.

Naturam turpem nulla fortuna obtegit.
 Humanam in speciem quum vertisset Iupiter
 Vulpem, regali pellex vt sedet throno,
 Scarabeum vidit prorepentem ex angulo;
 Notamque ad praedam celeri profiluit gradu,
 Superi risere, magnus erubuit pater,
 Repudiatam turpemque pellicem expulit;
 His prosequutus: Viue, quo digna es modo,
 Quae nostris vti meritis digne non potes.

FAB. IV.

Leo et Mus.

Ne quis minores laedat, fabula haec monet.
 Leone in silua dormiente, rustici
 Luxuriabant mures, et vnus ex iis
 Super cubantem casu quodam transit,
 Expergefactus miserum Leo celeri impetu
 Arripuit; ille veniam sibi dari rogat,
 Crimen fatetur, peccatum imprudentiae,
 Hoc rex vlcisci gloriosum non putans,
 Ignouit et dimisit, Post paucos dies
 Leo dum vagatur noctu, in foueam decidit.
 Captum vt se agnouit laqueis, voce maxima
 Rugire coepit; cuius immanem ad sonum
 Mus subito accurrens. Non est quod timeas, ait;
 Beneficio magno gratiam reddam parem.
 Mox omnes artus, artuum et ligamina
 Lustrare coepit, cognitosque dentibus
 Neros rodendo laxat ingenia artuum,
 Sic captum mus leonem siluis reddidit.

